

西南史地文獻

第七卷

中國西南文獻叢書·二編

中國西南文獻叢書編輯委員會

中國西南文獻叢書二編·第三輯

西南史地文獻

第七卷

甘肅省古籍文獻整理編譯中心
中國西南文獻叢書編輯委員會
編

本輯主編：周 斌

本卷目錄

滇繫 三 [清] 師 範 撰 〇〇二

本卷目錄

滇繫 三〔清〕師範撰……………〇〇三

【清】師範撰

滇

繫

三

邊。

〔清〕師範撰，清光緒十三年雲南通志局刻本，半葉九行，行二十四字，四周雙邊。

師範（公元一七五一至一八一一年），字端人，雲南大理州彌渡縣人，清乾隆三十九年（公元一七七四年）中舉，五十二年（公元一七八七年）任劍川學博。嘉慶二年（公元一七九七年）以軍功保授望江知縣。是書共分十二系（類），全面詳盡載述清嘉慶以前雲南的疆域、職官、事略、賦產、山川、人物、典故、藝文、土司、屬類、旅途、雜載等。

滇繫書目

趙州師 範荔屏纂輯

藝文第十二冊

王宏祚 尚書永昌人崇禎庚午舉人 趙士麟 履歷見後

滇南十議疏 臺灣善後疏

李發甲 湖南巡撫河陽人康熙甲子舉人

為山東請賑疏 懇湖南分建鄉關疏 再請分建南關

疏

段 曦 御史安甯人康熙丁丑進士

滇繫 公之十二 藝文目錄

請禁四川省勸懲增賦疏

張 漢 御史石屏人康熙癸巳進士乾隆 鴻博

流官請簡賢員疏 請禁四川咽喉匪疏 請賑河南荒旱疏

請通江漢水利疏 請孝子入祀賢良祠疏

蘇霖渤 御史趙州人雍正癸卯進士

請編審仍照舊規疏

羅鳳彩 宗丞石屏人雍正癸卯進士

請均出貢之例疏

傅為訥 副都御史建水人雍正癸丑進士

請獎遐陬節疏 應 詔敬陳時務疏

劉 慥 布政使永北人乾隆丁巳進士

請免金課疏

邵其德 編修出知綏州保山人乾隆己未進士

務農系以厚民生敦氣節以勵官方疏

周於禮 少廷尉署我人乾隆辛未進士

條陳征緬事宜疏

趙士麟 少宰河陽人康熙甲辰進士

論語義序 孟子義序

滇繫 公之十三 藝文目錄

高翥映 土知府姚州人

等音聲位合集序 來易註序

李崇階 知縣浪穹人康熙癸卯舉人

演程日記序

關順兆 通海人康熙癸卯舉人

李象岳雞山詩記序 滇黔制軍王公在茲壽序 送邑

大尹王戡雪老擢臺垣序

何其侯 石屏人明經

送楊明遠教授景東序

楊永斌 少宰昆明人康熙己卯舉人

鄉賢錄序

何其偉 知縣石屏人康熙己卯舉人其僕胞弟

送龍雨蒼州侯請查歸蜀序

王思訓 檢討昆明人康熙丙戌進士

廬山志序 烏私泣序 京洛塵稿序

趙元祚 知縣昆明人康熙乙酉舉人

滇南山水綱目考序

孫鵬 知縣昆明人康熙戊子舉人

滇繫 八之十二



藝文目錄

三

送魏龍山游府之官大理序 李南山遺稿序 徐雲客先

生詩序

張漢

洞虛子墨雨樓集序 羅青堂時文序 撫松吟詩序

煥瀛逸史圖序 孝鶴稿序 我軒詩序 王子京詩

序 胡蓼參時文序 奚瀚崙時文序

滇繫

藝文繫

趙州師 範荔屏

王宏祚滇南十議疏

皇上御極以來文德誕敷武功赫濯薄海臣民被春風而遊化

日十有餘載茲值

王師進收滇雲此正遐荒子遺得出水火欣被

皇仁之日也義旗所指靈漿恐後萬里凱音旦晚將奏之

闕下矣臣思此番征伐

朝廷不惜數百萬金錢禁旅不憚數千里跋涉總為除暴驅

滇繫 八之十二



藝文

一

殘拯遐荒士民於水火之內耳設使寇氛已靖而虐政未

除諒堯舜猶病之心所不忍也臣思地方一入版圖之後

廟堂自有經畫當事自有良籌何俟臣預懷杞慮獨是臣鄉

與他省不同如地方利病民生疾苦撫臣條

奏必數月始能上達迨部覆奉

旨必數月始能下頒臣不揣冒昧據陳管見惟願天末士民俾

蚤沐王化一日地方蚤受一日之賜更念臣鄉惟臣受

恩獨先沐

恩最厚而臣鄉之利病疾苦亦惟臣知之極真痛癢切膚近難

臧默謹列十款敬爲

皇上陳之

一重鎮之宜建設也滇省崇岡巖嶺漢少夷多唐鎮以羣
泉宋鎮以王全斌元封梁王明封黔國從來必藉居重馭
輕之勢以收建威消萌之功况數年寇氛梗塞今日

聲教初通爲善後計宜

簡任重臣駐鎮以資彈壓恩威並用使新服官兵及諸土司不
但革面而兼革心庶一勞永逸遐荒可享宵謐之福矣

一田地之宜清理也滇省田地共七萬一百六十四頃零

滇繫

藝文

二

共計夏稅秋糧銀七萬四千六百八十三兩零此外鹽課
銀四萬五千二百二十二兩礦課商稅魚課牛稅共銀四
萬二百六兩正雜二項共十六萬一百兩有奇僅足供本
省兵餉官役俸食科場祭祀驛站等項之用並無分毫起
運止有貢金二千五百兩解京又屯田一萬一千一百七
十一頃五十四畝零科糧三十八萬九千九百九十二石
零自逆寇盤踞十餘年間無藝之徵派每歲加至十餘倍
遐荒赤子皮穿見骨今幸獲覩天日亟宜清理田地革除
橫徵虐政庶水火子遺咸登衽席矣

一人丁之宜稽核也滇省戶口人丁共二十三萬七千四
百丁零共編銀四萬六千四兩零數年來老弱者勉供未
相少壯者抽補行伍致令耕山鑿井之民日荷干戈黔粵
楚蜀之界筋骨疲於驅策性命懸於鋒鏑青燐白骨號雨
悲風今既入版圖購非

盛朝赤子宜祭其戶口人丁若干殘缺若干見存若干壯丁

可補若干應納丁銀若干不致以見丁包亡役不致以殘
丁任重徭庶流離轉徙之衆樂歸故土矣

一莊田之宜確察也前黔國公沐英世鎮滇省子孫相沿

滇繫

藝文

三

將三百年者府置有莊田歲抽租稅名曰籽粒皆係沐府
差官自行催收不載有司冊籍值茲地方初定此項錢糧
易爲奸徒朦朧宜察沐府經管錢糧老成舊員令呈出底
冊某處額有莊田每年收籽粒大數勘驗確實轄某府者
卽責成某府徵解藩司庶錙銖顆粒咸充兵餉之用矣
一委署之宜慎重也滇省距京甚遠法網原疎每不肖有
司趨利如鶩視民如讐小民疾痛痾癢置若罔聞今數年
來一苦於苛派再苦於抽調翹首循良撫綏不啻救焚拯
溺若待部選官員必俟經年始到勢不得不暫資委署宜

察其年力精壯正途出身者遴選委用任事之後廉能者題以實授貪暴者立爲糾參庶官知守法而民免苛深益熱之嘆矣

一人寸之且鼓舞也滇省自罹兵燹士子不親詩書久矣今幸逢

聲教之通時不願奮功名之會若將鄉試入學卽照新歲名數爲額恐遐荒士子方慶荆棘之途開旋嘆薪樵之路狹將何以廣文教而振士風也仍宜照察舊額以示鼓舞俟三科之後酌量裁減庶士心踴躍歌詠詩書十餘年戎馬之

滇繫

八之十一



藝文

四

場復變爲文明之地矣

一紳士之宜矜宥也滇省地處邊徼山窮水盡一值兵戈阻隔惟有束手待斃而已數年來鄉紳舉貢或爲寇用者不過畏逼於虛焰聊爲偷生并借以保全父母妻子之性命耳若一概擯棄恐與

盛世赦過之令未符宜寬其既往嘉興維新除明朝以貪酷革職遂回不錄外其餘有年力未衰尚堪器使者酌量錄用庶遐荒紳士共仰赦過之

宏仁矣

一土司之宜安置也滇省土司有土知府知州知縣有宣慰宣撫安撫長官等司名目不一明初開闢因投誠有功

授官錫土令其自耕自食所納錢糧名曰差發銀較民地甚輕數年來爲寇焰所脅遠者派金以養賊兵近者派人

力以驅爭鬪土司地方財力交困今既改過投誠自是望

恩甚切宜察某土司官職該管地方仍令照舊料理輸納錢糧

一切逆寇苛派悉與蠲除庶土司安百姓亦安矣

一新例之宜暫寬也滇省土司種類不一俗尚各殊有以

布纏頭椎髻者有以繩編髮長披者投誠之初心懷疑畏

滇繫

八之十二



藝文

五

若一概繩以新制恐阻向化之誠除漢人士庶衣帽雍髮

遵照

本朝制度外其土司暫令各從其舊俗俟地方大定然後曉

以大義徐令恪遵

新制庶土司畏威懷德自凜然共奉同倫同軌之式矣

一經制之宜詳察也滇省設有文官衛官有土官事權各

有攸分職掌不宜相混聞數年來逆寇變亂成規恣意顛

倒有以州縣而改爲郡城者有將土司而改爲流官者經

制紛更而體統莫辨軍民混雜而賦役不清今

本朝每事必參會與規制期於盡善宜確查舊制各循職掌
卽有因革損益俟人心大定之後再爲斟酌而更張之庶
官吏有經制之可遵而軍民知法紀之可守矣 以上十
款卑卑無甚高論皆關切臣鄉利病如果臣言可採伏祈
睿鑒勅部議覆施行

此與蔡綏遠十疏皆滇中之救劫救苦經也王公之言
簡而明蓋于驅僞之後其事勢必如此蔡公之言詳而
盡則當剋逆之後其事勢又如彼至深沉之識惻怛之
心覺陸敬輿李伯紀尤似容氣未除丁卯中秋後十日

滇繫

八之十二

藝文

六

師範記于江山一覽樓

趙士麟臺灣善後疏

竊惟目今

國計之最急者莫過臺灣善後一策往者羣醜肆逆海宇沸

騰

皇上聖策風行神謀電發端拱

宸陛蕩滌萬古薄海內外罔不臣服此千古之盛烈也而又

膚慮所周不遺一物英斷所及遠過百王_臣之至愚何能仰贊

高深于萬一然芻蕘之言至人擇焉故不揣固陋而披陳

之_臣備員通政有_臣同官今僉都御史臣陳法器向久在

閩中_臣詢及之其言臺灣情形甚悉蓋由福州乘風揚帆

一日可至否則越日地方千里土著番人共四十餘社所

處雖遠近不同皆可漸馴而化漢人戶口亦稱殷庶厥土

膏腴五穀咸宜山產佳錫林木深蔚取鹿於野取魚鹽於

郊誠海外之沃區也夫澎湖一隅耳明曾守之况臺灣之

大哉_臣愚請倣廣東瓊州例而變通之安置流官設一府

兩縣治其民一總兵以鎮臺灣一副將以鎮澎湖儘其所

產供駐防之需則芻蕘糧糧不可勝用卽稍資協濟亦自

滇繫

八之十二

藝文

七

無幾若是而沿海守汛之兵可減倭人紅毛飄突之患可

以豫消勸農桑設學校數年後不特休養生息之衆可增

外藩卽詩書禮樂之化亦可漸興而比美於內地若不籌

所以善後恐承平日久巨鯨大鯢復窟於其間又煩

廟堂之區畫矣流官資俸與直省少別三年卽與陞遷文移往

來不拘以程限則人人樂趨且無尾大之慮如_臣言可採

伏祈

皇上睿鑒施行

李發甲爲山東請賑疏

竊照山東六府被災特重我

皇上宵旰焦勞勤恤民隱已奉

手諭即發帑金百餘萬兩截留漕米五十萬石遣內府官員親

赴濟寧東青登萊等府按名賑濟不使失所

德音一沛山左之民歡聲雷動仰見

睿鑒周詳不遺纖悉臣何敢再瀆

天聽惟是六府之內地方千里爲郡城襟帶之區則此數百萬

生靈有關於

國家之元氣者不小臣聞人夏以來陰沴異常麥秋無望槐

滇繫

八之十二

藝文

八

頭柳莖水草榆皮無不攫取爭啖老弱幼穉半爲疴瘠少

壯強勇四散他鄉白晝通衢剽人奪金是皆苟延旦夕之

命而計緩須臾明知犯法不暇顧惜雖賣妻鬻子止博百

錢而搗葉磨根難充一飽戶無可舉之烟人有相食之慘

饑餓迫於前死亡繼於後凡此輩輩者不幾坐以待斃哉

至有就食江南者就食江西者就食湖廣者就食河南市

隸者一離井里皆成餓夫日無故傷身鮮分文日則行乞

街市夜則投宿寺宇地方不能容留有驅之曠野或逐之

境外當此時顛沛流離啼饑號寒若不豫爲補救轉瞬隆

冬凍餒來歲青黃不接非填於溝壑必聚於崔苻我

皇上至德涵濡聲靈赫濯縱無狂悖潁池之事然從古致治保

邦在於幾先毋待事後臣愚以爲請

勅下該部遍諭各省督撫司道府廳州縣等官凡遇災民入境

普各該地方官加意查明著緊存恤勉給饘粥併令安置

得所養至來年秋成送回復業某府某縣凡若干名口造

冊申報分別獎勵則已逃者可望還鄉待斃者得甦殘息

再如河南湖廣浙江江西山西陝西福建直隸久江南之

祁泗盱徐等州縣間有水旱災傷已經各督撫彙報均蒙

滇繫

八之十三

藝文

九

皇上發粟煮賑蠲免錢糧猶慮其中仍有逃散就食者亦照前

議查恤則我

皇上如傷保赤之仁得以廣被無告流移困苦之衆不致相煽

爲非民命存亡盜賊生息舉判於此矣

李發甲懇建南閩 奏摺

洪惟我

皇上振興文教八表同風愛惜人才一長必錄是以戶習詩書

多士蔚起從未有如

今日之盛者也惟湖南七府二州所屬距武昌或一二千里

或三千餘里不等每逢三年鄉試之秋遠隔八百里洞庭之險又值溽暑炎蒸暴風陡發波濤湧舟楫傾危歷來應試諸生屢遭覆溺自臣三月任事以來據各屬貢監生員等紛紛呈訴湖廣分設撫藩雖與陝西江南相等原無分闈之例但陝西盡屬陸地江南止隔一江俱無洞庭之險湖南府州縣衛學多於湖北額取新生亦多於湖北而湖南赴試入闈者不滿三千名湖北將及萬人祇緣洞庭危險風濤不測以故裹足不前者十有七八情詞激切籲請具

滇繫 八之十二

藝文

十

題分闈臣查康熙四十四年十一月內經前撫臣趙申喬題請分闈分額又於五十一年六月內經前撫臣潘宗洛再行

題請俱經部駁未蒙

俞允臣何敢復稟

聖聰但湖南洞庭之險臣昔身經其地每遇七八月秋水時至一派汪洋士子赴試實有性命之虞與陝西江南水陸無阻者不同我

皇上好生之德如天含覆創千古未有之

盛典照臨中外無隱不周無思不服湖南士子既皆踴躍功名又復畏顧性命仰祈憐才惜士之

聖恩各願公捐三年廩膳科舉盤費及歲貢旗匾舉人會試腳價各項銀兩於長沙府設立闈場現有明藩舊址地勢寬敞建造有餘倘費有不給各學紳士情願按名再捐不費國帑等情但事屬分闈

大典應否繕疏具

題臣未敢擅便伏乞

睿裁批示遵行

滇繫 八之十二

藝文

十一

李發甲再請改建南闈 奏摺

臣查得懇建南闈一案前據湖南士子屢陳洞庭危險籲請分闈臣因關繫科場

大典未敢造次疏

題恭卽具摺請

旨蒙

皇上御批卽當具題臣隨欽遵繕疏具

題今禮部等衙門以科場定例年久不便紛更議覆奉

旨依議臣何敢冒昧再請以滋罪戾惟是恭逢我

皇上振興文教培養人才事事超越千古如鄉試屢經廣額會

試分省取中

萬壽遇旬加行苗裔一體科貢并兵許應武試以及文入武闈

武人文闈凡茲

曠典互古所無何嘗拘於定例況湖南士子因洞庭危險礙

礙甚多願請分闈願共捐三年廩膳等銀興建貢院不費

國帑此種迫切情狀實出萬不得已更有不忍以定例拘之

者曩年

聖駕巡視河工潤念洪澤湖風濤危險設立救生椿全活無數

滇繫 八之十二 藝文

三

生靈遐邇咸戴今洞庭之險十倍洪澤萬難立椿惟有分

闈一策可以保全士子之性命是即洪澤湖之救生椿矣

聖恩浩蕩莫大於此乃前撫臣趙申喬具

題於先既格於部議撫臣潘宗洛繼

題於後復格於部議茲臣先奉

俞旨然後具

題仍復格於部議若非洞庭十分危險士子迫切呼號何至

前後三撫臣疊

奏不已伏思

堯舜之主在上臣身任地方凡有益於士民有益於

國家者例得備悉入

告今分闈一事上以廣

聖主好生之德下以救士子覆溺之危且於科場

大典倍見昌明若因部議而不再添下情仰達

天聽則臣負

主恩厥罪滋大除繕疏會

題外臣謹具摺專差恭捧資

奏伏乞

滇繫 八之十二 藝文

三

睿鑒特賜恩允施行

段職請罷川省勸懲增賦疏

題為請酌川省勸懲增賦之議以收實效事竊臣邊省書

生備員言職智識短淺雖莫能仰贊高深而於凡事之有

關於國計民生者時刻思維冀抒一得之愚以備

聖明採擇今見四川巡撫年羹堯請立勸懲官員之法以清隱

漏以增賦額一疏該撫屢經題請緣督臣不盡一具題屢

次駁回臣因細閱原疏內開四川錢糧原額一百六十一

萬六千六百兩零今康熙四十九年現徵錢糧止有二十

萬二千三百兩零僅及原額十分之一民間視隱田漏賦

竟爲常事到任以來令民及時自首已及二萬六千餘兩

又察訪民間之隱佔不首由官借首糧之名需索民錢以

致首報無多宜立勸懲之法五年之內各州縣增及原額

之四五分者准其卽陞不及二分停其陞轉不及一分者

降級調用毫釐不增者革職知府與州縣一例處分等語

臣竊以撫臣爲州省錢糧計持籌之念甚殷報効之志甚

銳可謂實心任事矣但其所議勸懲增賦之法似未深思

長慮求其萬全而無弊也夫川省自明季兵燹之後荒殘

滇繫

八之十二

藝文

古

已極我

國家平定以來生聚教養數十年地方日有起色然究竟土

廣人稀故錢糧額數雖屢經清查增報而康熙四十九年

現徵錢糧纔及原額十分之一卽以撫臣之加意催查增

至二萬六千餘兩亦不過增現糧十分之一爾今議於五

年之內增及原額十分之二是已增現糧一倍也更至原

額十分之四五是又增現糧之三倍四倍也誠恐五年期

迫增報無多縱有賢能之員勢必懼不及分數之參處倘

有司顧惜考成希圖陞轉或主抑勒首報甚則腹歎清查

胥吏緣以爲奸地方轉滋其擾此亦事之未可定者伏思

我

皇上治登上理凡有興創事宜惟期愛養民生不尚近功不圖

速效今春清查丁口一案特下不必增丁益賦之

聖訓仰見我

皇上藏富於民至意況川省邊荒之地正宜休養又何必急於

增賦而立勸懲之法耶且撫臣立法之意專在於清隱漏

而未會計及於墾荒田川省田待開墾人須招集務施以

寬大之恩留其有餘之利使聞風者欣然於樂土之可適

滇繫

八之十三

藝文

古

今若定考成以督責限分數以催查則有司只知自便其

功名而不顧民生之利賴又誰復顧耕其野乎是勸懲之

法未必不有礙於招墾也臣愚以爲川省錢糧隱漏不可

不清而勸懲可以不立只宜嚴飭有司留心勸首如紳士

里民有有田無糧隱匿不報者查出卽照例究擬倘有不

肖官員借首糧之名需索民錢抑或通同隱匿私與奸民

分肥者撫臣查出立卽參處則官民皆知所畏而首報者

必衆至有司清查之法惟令因地查報不必拘分數之多

寡隨報隨增不必定取盈之年限官不急迫以病民民自